

摘藻堂四庫全書薈要

史部

欽定四庫全書薈要

史部

御批歷代通鑑輯覽卷九十二




詳校官原任主事
李斯咏

欽定四庫全書薈要卷七千五百四十五

御批歷代通鑑輯覽卷九十二

宋



紹定六年

金天興二年

春正月金主守緒濟河使完顏博

索攻衛州與蒙古兵戰大敗金主走歸德博索伏誅

金主遣使徵糧于歸德總帥什嘉紐勒緝送糧千五

百石至蒲城

即春秋蒲邑注見前

東六軍給糧盡因留船二百

張布為幄金主遂乘以濟河會大風後軍不能濟蒙

古輝爾古納

舊作同古乃今改

追擊于南岸金元帥賀德希

舊作都喜今改

力戰死金兵溺者近千人金主次北岸望之

震懼遂次漚麻岡

在大名府長垣縣西北

遣博索帥師攻衛州

至城下以御旗招之城中不應蒙古聞之自河南渡

河博索遂退師蒙古史天澤以騎兵踵其後戰于白

公廟

在衛輝府汲縣東

金師敗績博索棄軍東遁金主進次

魏樓村

在長垣縣西

猶欲俟蒙古兵至決戰少頃博索至

倉皇言軍已潰北兵近在隄外請幸歸德金主遂與

副元帥阿里台

舊作合理
合今改

等六七人夜登舟潛渡河

走歸德翼日諸軍始聞金主棄師遂潰金主入歸德

遣奉御珠嘉塔克錫布

舊作木甲塔
失不今改

往汴京奉迎太

后及后妃諸軍怨憤金主乃暴博索罪殺之

金汴京西面元帥崔立

將陵人金主東走以
立為外城西面元帥

作亂以梁

王從恪

衛紹
王子

監國而幽之自為太師尚書令都元帥以

城降蒙古

初汴人以金主親出師日聽捷報及聞軍敗始大懼
會金主遣使至汴奉迎兩宮人情益不安西面元帥

崔立性淫狡因民洶洶潛謀作亂時兩宮已出至陳
留見城外二三處火起疑有兵復馳還汴京明日崔
立拔劍指完顏納蘓肯及薩尼雅布曰京城危困已極
二公坐視何也二相曰有事當好議之何遽如是立

麾其黨先殺薩尼雅布次殺納蘓肯及左司郎中納哈

塔德輝

舊作納合
德輝今改

等十餘人勒兵入宮集百官議所

立立曰衛紹王太子從恪其妹公主在北兵中可立

之乃遣其黨韓鐸

燕京人

以太后命往召從恪至以太

后誥命為梁王監國百官拜舞立自為太師都元帥

尚書令鄭王弟倚為平章政事侃為殿前都點檢其

黨皆拜官遂送款詣蘇布特軍蘇布特至青城立服

御衣儀衛往見之蘇布特喜飲之酒立以父事之還城

悉燒樓櫓蘇布特益喜始信其實降也

立託以軍前索隨駕官吏

家屬軍民子女聚之省中親閱之日亂數人猶以為
不足乃禁民間嫁娶有以一女之故致數人死者未

崔立賣國圖家
稍有入心者即
應捐軀討賊王
若虛輩業已偷
生戀爵即不作
碑文豈能倖免
失身之罪乎至
元好問於金亡
之後以史事為
已任托文詞以
自蓋其不死之
羞實堪鄙棄金
史於二人傳多
侈稱之過矣

幾遼梁王及宗族近屬于宮中以腹心守之限其出
入以荆王府為己私第取內府珍玩充實之羣小附
和請建功德碑翟奕以尚書省命翰林直學士王若
虛為文時元好問以左司都事立遼為左右司員外
郎若虛私謂好問曰今名我作碑不從則死作之則
名節掃地不若死之為愈然我姑以理論之乃謂奕
曰丞相功德碑當指何事為言奕曰丞相以京城降
活生靈百萬非功德乎若虛曰學士代王言功德碑
謂之代王言可乎且丞相既以城降則朝官皆出其
門自古豈有門下人為主帥頌功德而可取信于後
世者乎奕雖殘虐聞之不能對而去
事遂得已 王若虛字從之藁城人

夏四月葬恭聖仁烈皇后

金崔立執其主之后妃及梁王從恪等送蒙古軍蒙古

蘇布特殺從恪等以后妃北還

崔立以天子袞冕后服進于蘇布特又括在城金銀
搜索薰濯訊掠慘酷貴族富人不堪其毒竊相語曰
攻城之後七八日中諸門出葬者凡百萬人恨不早
預其數而值此也立時與其妻入宮兩宮賜之不可
勝計立因諷太后作書陳天時人事遣金主乳母入
歸德招降立遂以太后王氏皇后圖克坦氏梁王及荆王
守純諸妃嬪凡車三十七兩宗室男女五百餘人衍

聖公孔元措等赴青城蘇布特殺二王及族屬而送
后妃等于和林在道艱楚萬狀尤甚于徽欽之時蘇
布特入汴城立時在城外兵先入其家取其妻妾寶
玉以出立歸大慟而已

初蒙古之制凡攻城不降矢
石一發則屠之汴京既陷蘇

布特遣使言于蒙古主曰此城相抗日久士卒多傷
請屠其城耶律楚材聞之馳見蒙古主曰將士暴露
數十年所爭者土地人民耳得地無民將焉用蒙古
主未許楚材又曰凡弓矢甲仗金玉等匠及官民富
貴之家皆聚此城殺之則一無所得是徒勞也乃詔
除完顏氏一族外餘皆原免時避兵在汴者尚百四
十萬戶皆得保
全遂為定制

孟珙擊金武仙于順陽破走之遂復鄧州

金唐鄧行省武仙次于順陽與唐州守將武天錫鄧

州守將伊喇瑗

舊作移刺瑗
今改後仿此

相犄角謀迎金主入蜀

遂犯光化其鋒甚銳珙逼天錫壘一鼓拔之壯士張

子良斬天錫首以獻俘將士四百餘人又敗金人于

呂堰

在襄陽府襄陽縣北今有驛

俘獲不可勝計遂攻順陽武仙

敗走馬登山

在南陽府淅川縣東

縣令李英及申州安撫張林

皆以城降伊喇瑗孤立而懼遣使請降珙納之為易

衣冠以賓禮見于是降者相繼

珙言于史嵩之曰歸附之人宜因其鄉土

而使之畊因其人民而立之長少壯籍為軍俾自耕自守才能者分以土地任以職事使各招其徒以殺其勢嵩之從之

五月金富察固納

少光忠孝軍萬戶按固納舊作官奴今改後倣此

幽其主守

緒于照碧堂

在歸德府城南舊城上宋建

六月固納伏誅

先是富察固納作亂殺元帥什嘉紐勒緡又殺左丞

相李蹊等

時蒙古特穆爾岱圍亳州且日遣兵薄歸德民心搖搖固納請北渡河以圖恢復紐

勒緡沮之固納不悅乃私與完顏永安謀邀金主幸海州金主不從固納積忿遂作亂執紐勒緡殺之又

殺朝官李蹊等三百人以兵入見金主曰紐勒緡金謀反臣殺之矣按特穆爾岱舊作忒木爾今改金

主不得已以固納權參知政事後固納又襲敗蒙古

特穆爾岱軍于亳州

初衛州白公廟之潰固納母為蒙古所獲金主命固納因其母

以計請和固納乃私與特穆爾岱言欲劫金主以降特穆爾岱信之還其母固納乃日相往來講議遂與金主密定所營之策因五月五日祭天軍中陰備大槍戰具固納率忠孝軍乘夜徑至特穆爾岱營腹背攻之特穆爾岱軍大潰遂真拜左副元帥參知政事固納盡焚其柵而還

至是勢益暴橫居金主于照碧堂禁近無一人敢奏對者金主惟日悲泣語近侍云自古無不亡之國不

死之君但恨我不知人為比奴所困耳于是內侍局

令宋珪

本名琪諾燕人按琪諾舊作乞奴今改

奉御紐祜祿溫綽

舊作女奚

烈完出今改後倣此

烏克遜

舊作烏古孫今改

愛錫等密謀討賊且

聞蔡州城堅池深兵衆糧廣咸勸幸之以救飢窘會

蔡息陳頴等州便宜總帥烏庫哩鎬

本名喀喇東北路招討司人喀

喇舊作拷

挽今改運米四百斛至歸德且請臨幸金主意遂

決諭固納以幸蔡固納力陳不可至于扼腕頓足意

趣巨測因出號于衆曰敢言南遷者斬衆以固納為

無君諷金主早為計金主遂與珪等謀召宰相議事而令溫綽伏于照碧堂門間固納進見溫綽從後刺其肋金主亦拔劍斫之固納中創投城下以走溫綽愛錫追殺之忠孝軍聞變皆擐甲溫綽請金主親撫慰之于是金主御雙門赦忠孝軍以安反側

蒙古取洛陽金中京留守齊克紳死之

金主降詔褒諭齊克紳守中京有功授中京留守行總帥府事月餘糧盡軍民稍散蒙古兵復至紳力戰

蒙古稍退鷹揚都尉獻西門以降紳知城不能守率

死士數十突出轉戰至偃師力盡就執載以一馬擁

迫而行將見蒙古塔齊爾

一名布展博勒呼從孫舊作塔察爾布展舊作倭蓋

改今紳語不遜兵卒因好語誘之曰汝能北面一屈膝

當貰汝命紳不從左右持使北面紳拗頸南向遂殺之

金主守緒走蔡州

金主留元帥王璧守歸德遂如蔡州時久雨朝士扈從者徒行泥水中掇青棗為糧足脰盡腫明日至亳

州金主黃衣皂笠金兔鶻帶以青黃旗二尊前黃繖

擁後從者二三百人馬五十匹而已行次城中父老
拜伏道左金主遣近侍諭以國家涵養汝輩百有餘
年今朕無德令汝塗炭朕亦無足言者汝輩無忘祖
宗之德可也皆呼萬歲泣下留一日進次毫南六十
里避雨雙溝寺中蒿艾滿目無一人迹金主太息曰
生靈盡矣為之一慟及入蔡父老羅拜于道見金主
儀衛蕭條莫不飲泣金主亦歔歔遂以完顏呼沙呼

為尚書右丞總領省院事烏庫哩鎬為御史大夫總

帥如故張天綱

字正卿霸州益津人

權參知政事富珠哩

舊作字木

魯今

小洛索

時有大中小三洛索皆內族以其名同故各以長幼別之

簽書樞密

院事呼沙呼有文武材事無巨細率親為之選士括

馬繕治甲兵未嘗一日忘奉金主幸秦鞏之志近侍

久困睢陽幸即汝陽之安皆娶妻營業不願遷徙日

夕進言西幸不便金主信之呼沙呼惟深居燕坐瞑

目太息而已時蒙古兵去蔡差遠商販頗集金主安

之命選室女備後宮及修見山亭

在汝寧府治前牙城上

為遊

息之所呼沙呼切諫乃止呼沙呼定進馬遷賞格得

馬千餘匹又遣使分詣諸道選兵詣蔡得精銳萬餘

兵威稍振

忠孝軍提控李德率十餘人乘馬入省大呼以月糧不優幾于罵詈呼沙呼縛德杖

之金主諭呼沙呼曰此軍得力方欲倚用卿何不容忍責罰乃爾呼沙呼對曰時方多故錄功隱過自陞

下之德至于將帥之職則不然小犯則決大犯則誅其強兵悍卒不使一日不在紀律蓋小人之情縱則

驕驕則難制雖陽之禍豈獨固納之罪亦有司縱之太過耳今宜易前轍不宜愛克厥威賞必由中罰則

臣任其責軍士聞之自是無復敢犯法者是時從官近侍皆窮乏悉取給于烏庫哩鎬鎬不能人滿其欲

信賞必罰實激
勸之良規而當
有事之時尤非
此無以勵人心
而整戎紀呼沙
呼所見深得要
領而所謂賞必
由中罰任其責
更令歸善任怨
之道使金主早

為信用得盡其長國勢未必遂至潰敗而不可救至為庫哩

錫同心贊助正當倚以為左右手顧乃聽讒譖遠致其憂憤成疾金主之不信任人適自促其危亡耳

蒙古以孔元措襲封衍聖公

從耶律楚材之請也

秋七月孟珙大敗金武仙于馬蹬山降其衆而還

武仙愛將劉儀詣珙降珙問仙虛實儀言仙所據九

砦其大砦石穴山

在馬蹬山東南與砬山王子山聯綿百餘里

以馬蹬沙

窩砬山三砦蔽其前三砦不破石穴未可圖也若破

離金砦則砬山沙窩孤立矣珙乃遣兵攻離金掩殺

幾盡是夕復令壯士擣王子山砦斬金將首而出遂
圍馬蹬殺戮山積還至沙窩西與金人遇大捷未幾
丁順復破默侯里砦于是仙之九砦六日破其七珙
召劉儀曰此砦既破板橋石穴必震汝能為我招之
乎儀請選婦人三百偽逃歸懷招安榜以往珙料仙
勢窮蹙必上岵山絕頂窺伺乃令樊文彬駐軍其下
已而仙衆果登山及半文彬麾旗伏兵四起仙衆失
措枕藉崖谷山為之赭殺其將烏舍

舊作兀沙
惹今改擒七

百三十人棄鎧甲如山薄暮珙進軍至小水河儀言
仙謀往商州依險以守然老稚不願北去珙曰進兵
不可緩夜漏十刻召文彬等授方略明日攻石穴丙
夜蓐食啟行晨至石穴時積雨未霽文彬患之珙曰
此雪夜擒吳元濟之時策馬直至石穴分兵進攻自
寅至己遂破石穴仙走追及于鮎魚砦仙望見易服
而遁復戰于銀葫蘆山

在汝州伊陽縣西南

又敗之仙與五六

騎遁去降其衆七萬珙還襄陽

八月史嵩之以兵會蒙古將塔齊爾伐金取唐州金使
穆延烏登等行省院事于息州

蒙古都元帥塔齊爾使王檝至襄陽約攻蔡州史嵩
之以兵會伐唐州金將烏庫哩黑漢

舊作烏古論
黑漢今改

戰

死城遂降官軍駐于息州之南降者日衆息州刺史

烏庫哩呼魯

舊作烏古論忽
魯今改後倣此

懼請益兵為備金主以

參知政事穆延烏登簽書樞密院富珠哩中洛索帥
忠孝軍五百赴之

金史四
卷九十二
九月壬寅朔日食

金人來乞糧不許

金使完顏阿固岱來乞糧將行金主諭之曰宋人負朕深矣朕自即位以來戒飭邊將無犯南界邊臣有請征討者未嘗不切責之向得宋一州隨即付與近淮陰來歸彼多以金幣為贖朕若受財是貨之也付之全城秋毫無犯清口臨陣生獲數千人悉以資糧遣之今乘我疲弊據我壽州誘我鄧州又攻我唐州

彼為謀亦淺矣蒙古滅國四十以及西夏夏亡及于
我我亡必及于宋唇亡齒寒自然之理若與我連和
所以為我者亦為彼也卿其以此意曉之阿固岱至
朝廷不許

蒙古塔齊爾圍金蔡州冬十月史嵩之使孟珙等帥師
會之

金主拜天于節度廳羣臣陪從成禮金主戒諭之因
賜卮酒酒未竟邏騎馳奏敵兵數百突至城下將士

踴躍咸請一戰金主許之是日乃分兵防守四面及子城衆既出接戰蒙古兵奔潰塔齊爾以數百騎復駐城東金主遣兵接戰又敗之自是蒙古不復薄城分築長壘圍之史嵩之命孟珙江海帥師二萬運米三十萬石赴蒙古之約塔齊爾大喜並脩攻具斷木之聲聞于城中城中並恐往往竊議投降金呼沙呼日以國家恩澤君臣分義撫循其民且營畫禦備未嘗入私室軍民感奮始有固志既

而南北兩軍以攻具薄城金人自東門出戰孟珙遮

其歸路得降人言蔡城中饑珙曰已窘矣當盡死守

之以防突圍珙與塔齊爾約南北軍毋相犯頃之塔

齊爾遣張柔帥精兵五千薄城金人鉤二卒以去柔

中流矢如蜩蛸麾先鋒救之挾柔以出明旦珙殊死

戰進逼柴潭

在汝寧府汝陽縣南

立柵潭上命諸將奪柴潭樓

金人來爭諸軍魚貫而上遂拔柴潭樓蔡州恃潭為
固外即汝河潭高于河五六丈珙召麾下謂曰彼所

恃此水耳決而注之洄可立待遂鑿隄潭果決入汝

水珙命實以新葦蒙古亦決練江

源出確山縣俗稱黃西河至汝陽縣

西入汝于是兩軍皆濟攻其外城破之進逼土門金總

帥富珠哩中洛索帥精銳五百夜出西門人荷束藁

沃油其上將燒兩軍寨及砲具蒙古兵先覺之伏于

隱處挽强弩百餘火發矢亦發金兵却走傷者甚衆

洛索僅以身免兩軍合攻西城克之因墮其城先是

呼沙呼命築寨浚濠為備及西城墮兩軍皆未能入

但于城上立柵自蔽呼沙呼摘三面精銳日夕戰禦

金主謂侍臣曰我為金紫十年太子十年人主十年
自知無大過惡死無所恨所恨者祖宗傳祚百年至
我而絕與古荒淫暴亂之君等為亡國獨為此介介
耳又曰亡國之君往往為人囚繫或為俘獻或辱于
階庭閉之空谷朕必不至于此卿等觀之朕志決矣
以御用器皿賞戰士已而又殺廐馬犒之然其勢不
可為矣

金徐州降于蒙古行省右丞相完顏薩布死之

時徐州節度郭葉嚕

舊作野
驢今改

約源州叛將麻琮襲破

徐州徐州將士以蔡州被圍又迫于蒙古兵議出降
薩布弗從恐被執乃投河求死軍士援出之卒自縊
死麻琮遂以州降蒙古

以史彌遠為太師左丞相鄭清之為右丞相並兼樞密

使薛極

字會之常
州武進人

為樞密使喬行簡陳貴誼

字正甫
福清人

參

知政事封史彌遠為會稽郡王奉朝請彌遠尋死

彌遠拜左相一日以疾求解政詔彌遠有定策大功
勤勞王室宜加優禮于是授保寧昭信節度使充醴
泉觀使封會稽郡王奉朝請二子一壻五孫皆加官
秩越八日而死彌遠為相凡二十六年用事專且久權傾內外初欲反韓侂冑所為故收召賢才老成布于朝廷及濟王不得其死論者紛起遂專任愷壬以居臺諫一時君子貶斥殆盡帝德其立己唯言是從故恩寵終其身

十一月刑部侍郎梁成大等有罪免

時成大權刑部侍郎有旨黜之提舉鴻禧觀刑部尚

書兼給事中莫澤論成大暴狠貪婪苟賤無恥遂寢
祠命既而臺臣交劾莫澤貪淫伎害工部尚書李知孝
侵欲無厭皆罷之蓋三人皆黨附史彌遠排斥諸賢
而成大尤心術嶮巇凡可賊害忠良者率攘臂為之
四方賂遺列置堂廡導賓客觀之欲其效尤雖知孝
亦鄙其為人至曰所不堪者他日與成大同傳耳卒
皆貶死天下快之

詔改元

理宗受制備奸
九年直待彌遠
死後始親政事
前此之闕失既
多即欲屬精求
治亦復何及且
鄭清之因黨附
彌遠而進其品
誼已概可知安
望其有所樹立
乃覩顏以天下
為任君若臣其
將誰欺其亦無
恥之甚矣

史彌遠死帝始親政勵精求治鄭清之亦慨然以天
下為己任收召賢才擢之朝廷下詔改明年紀元端
平

以洪咨夔王遂

字去非一字穎叔韶
之元孫後為金壇人

為監察御史

帝親政五日即召咨夔為禮部員外郎入對帝問以
今日急務咨夔言進君子退小人開誠心布公道因
乞召用崔與之真德秀魏了翁帝納之翼日與王遂
並拜御史夔謂遂曰朝無臺諫久矣要當極本原而

先論之因上疏乞權歸人主政出中書以致平治之

道且劾資政殿學士袁詔

字彥淳慶元府人

仇視善類諂附

史彌遠詔奪詔祠祿又論趙善湘鄭損陳晔納賂史彌遠怙勢肆姦失江淮荆襄蜀漢人心罪狀顯著詔善湘有討李全功特寢免晔損皆落職

十二月薛極免

極與胡榘

字仲方銓之孫

聶子述趙汝述附史彌遠最親用

事時人謂之四木

甲午 端平元年

金天興三年
是歲金亡

春正月金主守緒傳位于其

宗室承麟

世祖後博索之弟是為末帝

孟珙以蒙古兵入蔡州金主

及其尚書右丞呼沙呼死之承麟為亂兵所殺金亡

金自

太祖建國至承麟亡凡

十主合一百二十年

蒙古兵以元旦會飲歌吹之聲四望相接城中饑窘
歎息而已孟珙見黑氣壓城上日無光降者言城中
絕糧已三月欲降者衆珙乃下令諸軍銜枚分運雲
梯布城下以攻之是夕金主集百官傳位于東面元師

承麟承麟拜泣不敢受金主曰朕所以付卿者豈得已哉以朕肌體肥重不便鞍馬馳突卿平日趨捷有將略萬一得免宗祚不絕此朕志也承麟起受璽明日承麟即位時孟珙師已向南門萬衆競進金百官稱賀禮畢亟出捍敵而南城之陴已立宋旗幟矣俄頃四面鼓譟夾攻聲震天地孟珙招江海塔齊爾之師以入呼沙呼帥精兵一千巷戰不能禦金主知事急即取寶玉寘于幽蘭軒

在汝寧府治內一名幽蘭閣

環之以草

命近侍曰死便火我遂自經呼沙呼聞之謂將士曰
吾君已崩吾何以戰為吾不死于亂兵之手吾赴汝
水從吾君矣諸君其善為計言訖赴水死將士皆曰
相公能死吾輩獨不能邪于是參政富珠哩小洛索

烏凌阿呼圖

舊作兀林答
胡土今改

總帥元志元帥裕色爾

舊作

玉山兒
今改

赫舍哩柏壽烏庫哩和勒端

舊作烏古倫
桓端今改

等

及軍士五百餘人皆從死焉承麟退子城聞金主殂
帥羣臣入哭因謂衆曰先帝在位十年勤儉寬仁圖

復舊業有志未就可哀也已宜謚曰哀冀未畢城已

陷諸將禁近共舉火焚之奉御京錫

完顏氏系出始祖按京錫舊作

絳山今改後仿此

收哀宗骨將瘞之汝水上江海入宮執參

政張天綱孟珙問金主所在天綱曰城危時自經矣

珙乃與塔齊爾分哀宗骨及寶玉法物

考金史完顏京錫傳京錫

焚幽蘭軒火方熾大兵突入左右皆走避京錫留不

去衆問之京錫曰吾君終于是吾俟火滅灰寒收瘞

其骨耳衆曰汝命且不保能瘞而君邪京錫曰吾逆

知君輩決不遺吾吾若果得瘞吾君雖寸斬不恨衆

以告其帥布展曰此奇男子也許之京錫乃收餘燼

果以敝衾瘞于汝水傍再拜號哭將赴水死以救免

大臣任事當為
則為而正言諫
諭尤不係於疾
徐輕重安有習
為推讓低緩以
為養體者蓋推
讓即諂卸之端
而低緩乃絀然
之漸寢至因循
苟且流弊日滋
其失實非淺鮮
金源盛時諸孫
監劄崇模實而
不事虛浮自明
昌一變舊風相

後不知所終所載與續
綱目異今并注於此

是日承麟亦為亂兵所殺金

亡

金自宣宗之世為宰相樞密者往往臨事推讓低

主心因或俟再議因循苟且以度時日及出兵則以
近侍監戰臨事多所牽制故師出無功國亂不聞以
底于亡史臣曰金自宣宗南渡葉厥本根連兵宋
夏內致困憊哀宗之世無足為者區區生聚圖存于
亡力盡乃斃可哀也已雖然
國君死社稷哀宗無愧焉

以陳蔡西北地分屬蒙古以劉福為河南道總管
史崇之使孟珙等分屯京西

嵩之使孟珙還師襄陽江海還師信陽王旻戍隨州

平入於大魏於
是文恬武嬉日
以玩弱至是而
積疲不可復理
為國而不知謹
守成憲其勢必
至於傾敗宣宗
不得辭其咎矣

王安國守棗陽蔣成守光化楊恢守均州並益兵飭
備經理屯田于唐鄧州

金穆延烏登以息州來降蒙古追救之

烏登行省于息州與諸將帥日以歌酒為樂軍士淫縱

及蔡州破于是與富珠哩中洛索瓜爾佳玖珠舊作火谷

九住今改後仿此

等送款請降為金主發喪設祭上謚曰昭

宗州民因奉烏登為丞相中洛索為平章舉城南遷

遂焚樓櫓蒙古望見火起追及于羅山

今汝寧府信陽州隋置羅

山縣元徙縣于西南而改宋信陽軍為州移治于此自萬戶以下凡七百人皆

被殺

二月蒙古入徐州金完顏永安自殺

蒙古圍沛永安救之敗走徐州蒙古移兵攻徐永安

投水死

初永安降金與李全妻楊氏絕楊氏怒志屠永安家走益都永安選兵分將期必得楊氏

相攻者久之及永安死蒙古得其尸剝面繫馬尾為怨家鬻食而盡楊氏亦死于山東

以賈貴妃弟似道

字師憲涉之子

為籍田令

似道少落魄為游博不事操行以蔭補嘉興司倉帝

賈似道燕遊湖上不返燈火盛

陳理宗既惡高望見即當切責俾改其過過而不改罪之可也乃徒令京尹傳言示戒巖之後曲意阿諛特謂其才可大用則至柄政擅權敗壞國事皆理宗之姑息釀成之耳

以貴妃故累擢籍田令恃寵不檢日縱游諸妓家至夜即燕遊湖上不返帝嘗夜憑高望西湖中燈火異常時語左右曰此必似道也明日詢之果然使京尹史巖之戒之巖之對曰似道雖有少年氣習然其才可大用也

詔太常簿朱揚祖詣河南省謁八陵

史嵩之露布至詔遣朱揚祖林拓往省謁八陵尋遣朱復之詣八陵相度修奉

夏四月獻金俘于太廟論功行賞有差

史嵩之遣使以孟珙所獲金哀宗遺骨及寶玉法物

并俘囚張天綱完顏哈拉海

哈拉海舊作好海今改後仿此

等獻于臨

安四月丙戌備禮告于太廟藏骨于大理寺獄庫加

孟珙帶御器械江海以下論功行賞有差

知臨安府薛環問天

綱曰有何面目到此天綱曰國之興亡何代無之我金之亡比汝二帝何如瓊叱之明日奏其語帝召天綱問曰汝真不畏死邪天綱對曰大丈夫患死之不中節耳何畏之有因祈死不已帝不聽初有司令天綱供狀必欲書金主為虜主天綱曰殺即殺焉用狀為有司不能屈聽其所供天綱但書故主而已聞者

憐之後莫
如其所終

監察御史王遂言史嵩之本不知兵矜功

自侈謀身詭秘欺君誤國留之襄陽一日則有一日
之憂不報洪咨夔亦言殘金雖滅鄰國方彊益嚴守
備猶恐不逮豈可動色相賀渙然解體以重方來之
憂帝嘉納之

五月賜黃榦李燾李道傳等謚錄其子

詔榦燾道傳及陳宓

字師復俊卿之子

樓昉徐瑄胡夢昱等

旣于權姦而各行其志沒齒無怨其賜謚復官錄用

其子

金武仙奔澤州戍兵殺之

六月詔復故濟王竑官爵

太常卿徐僑

字崇甫婺州義烏人

嘗侍講開陳友愛大義帝悟

乃命復竑官爵有司檢視墓域以時致祭

時竑妻吳氏自請為

尼特賜號慧靜法空大師
紹興府月給衣資緡錢

趙范趙葵請復三京詔知廬州金子才會兵趨汴金故

將李伯淵等殺崔立以降

爾時蔡州不守
哀宗死社稷伯
淵等方擁重兵
守汴自當痛哭

誓師矢死以圖報復况宋兵深入尤當竭力嬰城乃竟同風約降遂成內潰臣節已虧矣且其詭謀殺立徇私嫌而非申國憲是立固有當殺之罪而伯淵等非可殺立之人續綱目書誅以予之于義未允因改書而申其論

范葵欲乘時撫定中原建守河據關收復三京之議

朝臣多以為未可獨鄭清之力主其說乃命趙范移

司黃州刻日進兵

范參議官邱岳曰方興之敵新盟而退氣盛鋒銳寧肯捐所得以與

人邪我師若往彼必突至非惟進退失據開釁致兵必自此始且千里長驅以爭空城得之當勤餽餉後必悔之范不聽史嵩之亦言荆襄方爾饑饉未可興師杜杲復陳守境之利出師之害喬行簡時在告上疏曰八陵有可朝之路中原有可復之機以大有為之資當大有為之會則事之有成固可坐而策也臣不憂師出之無功而憂事力之不可繼有功而至于不可繼則其憂始深矣夫規恢進取必須選將練兵豐財足食而今將乏卒寡財匱食竭臣恐北方未可圖而南方已先騷動矣願堅持聖意定為國論以絕

紛紛之說皆不聽

邱岳字煦
山丹徒人杜果字子昕邵武人

詔知廬州金子才合

淮西兵萬人赴汴時汴京都尉李伯淵李琦李賤奴
等為崔立所侮謀殺之及聞子才軍至伯淵等以書
約降而陽與立謀備禦之策六月伯淵燒封邱門以
警動立立殊不安伯淵等乃來約立視火立從范秀
折希顏等數騎往既還伯淵就馬上抱立即出匕首
橫刺立墜馬死伏兵起元帥薩哈殺范秀折希顏亦
為軍所殺伯淵繫立屍馬尾至內前號于衆曰立殺

害劫奪烝淫暴虐大逆不道古今無有當殺之否萬
口齊應曰寸斬之未稱也乃梟立首望承天門祭哀
宗伯淵以下軍民皆慟或剖其心生噉之以三屍掛
闕前槐樹上

趙葵帥師會全子才于汴秋七月葵將楊誼等入洛陽
全子才次于汴趙葵自滁州以淮西兵五萬取泗州
由泗趨汴以會之葵謂子才曰我輩始謀據闕守河
今已抵汴半月不急攻洛陽潼關何待邪子才以糧

餉未集對葵督促益急乃檄鈐轄范用吉樊辛李先
胡顯等提兵萬三千命淮西制置司機宜文字徐敏
子監軍先令西上又命楊誼以廬州彊弩軍萬五千
繼之各給五日糧七月徐敏子啟行遣和州寧淮軍
正將張迪以二百人趨洛陽迪至城下城中寂然無
應者至晚有民庶三百餘家登城投降迪與敏子遂
帥衆入城蒙古聞之復引兵南下

八月朱揚祖還自河南

揚祖朝陵行至襄陽會諜報蒙古哨騎已及孟津陝府
潼關河南皆增屯戍設伏兵又聞淮閫刻日進師衆
畏不前孟珙曰淮東之師由淮西趨汴非旬餘不達
吾選精騎疾馳不十日可竣事逮師至東京吾已歸
矣于是珙與二使晝夜兼行至陵下奉宣御表成禮
而還揚祖以八陵圖上進帝問諸陵相去幾何及陵
前澗水新復揚祖悉以對帝忍涕太息久之

蒙古復引兵至洛陽城下楊誼軍潰趙葵金子才遂棄

汴而歸

徐敏子入洛之明日軍食已竭乃采蒿和麴作餅而食之楊誼至洛陽東三十里方散坐蓐食忽數里外有立黃紅涼織者衆方駭異而蒙古伏兵突起深蒿中楊誼倉卒無備師遂大潰為蒙古擁入洛水者無數誼僅以身免是晚有潰卒奔告于洛曰楊誼一軍已為蒙古大陣衝散今蒙古兵已據北岸矣于是在洛之師皆奪氣八月朔旦蒙古兵至洛陽城下立寨

北復三京其罪
倡自趙范汴城
之敗由於始計
不臧乃不引咎
自劾而以輕遣
偏師之失歸罪
蔡瑁崔公過當
況當時軍無見
糧士又不武矣

敏子與戰勝負相當士卒乏糧因殺馬而食敏子等

不能留乃班師趙葵全子才在汴亦以史嵩之不致餽

糧用不繼所復州郡率皆空城無兵食可因蒙古兵

又決黃河寸金泥

在開封府北黃河
泛溢之水所匯

之水以灌官軍

官軍多溺死遂皆引師南還趙范以入洛之師敗績

上表劾蔡子才輕遣偏師趙楷劉子澄參贊失計師

退無律致後陣覆敗詔蔡子才各削一秩餘貶秩有

差鄭清之力辭解政不許喬行簡上言三京撓敗之

等縱不入洛能
保汴城之無患
乎且用兵機勢
乏食之軍進取
或可圍功守守
則必致潰使葵
等不留汴半月
及早厲師而前
力戰取勝未嘗
不可因糧於敵
此破釜沉舟之
計也趙范不罪
其戰之不勇而
罪其輕進喪師
是非益倒置矣
理宗曾不察其

餘事與前異但當益修戰守之備帝嘉納之

京湖制置使史嵩之免九月以趙范代之

詔真德秀為翰林學士魏了翁直學士院

帝因民望召還二人德秀入對帝迎謂曰卿去國十
年每切思賢德秀以大學衍義上進因言于帝曰夫
天之所助者順入之所助者信陛下儻能敬德以迓
續休命中原終為吾有若徒以力求之而不反其本
天意難測臣實憂之了翁入對言事剴切反覆利害

之端至漏下四十刻乃退帝皆嘉納之

冬十月詔真德秀進講大學衍義

十二月蒙古使王楸來

蒙古使王楸來言曰何為而敗盟也自是河淮之間
無寧日矣

乙未二年春正月以程芾為蒙古通好使

詔孟珙屯黃州

珙留襄陽招中原精銳之士萬五千餘分屯漢北

漢考

水即巢湖在廬州去襄陽
遠甚此當是漢北之謫

樊城新野唐鄧間以備蒙

古名鎮北軍詔以珙為襄陽都統制珙赴樞密稟議
入對帝曰卿名將子忠勤體國破蔡滅金功緒昭著
珙對曰此宗社威靈陛下聖德與三軍將士之勞臣
何力之有授主管侍衛馬軍司公事時暫黃州駐劄
朝辭帝問恢復珙對曰願陛下寬民力蓄人材以俟
機會帝問和議珙對曰臣介冑之士當言戰不當言
和賜賚甚厚珙至黃增陴浚隍蒐訪軍實邊民來歸

者日以千數為屋三萬間以居之厚加賑貸又慮軍

民雜處因高阜為齊安鎮淮二砦

齊安砦本蕭齊時齊安郡故址在黃

州府黃岡縣西北鎮淮砦在今黃州府黃梅縣北

以居諸軍

二月蒙古城和林

注見前

蒙古以和林為會同之所于是城之周五里許

三月以真德秀參知政事陳卓

字立道居仁子

同簽書樞密院

事夏五月德秀卒

諡文忠

德秀拜參知政事時已得疾遂三上表乞祠帝不得

已授資政殿學士提舉萬壽宮逾旬而卒贈銀青光

祿大夫

德秀立朝不滿十年奏疏將數十萬言皆切當世要務直聲震朝廷四方人士誦其文想

見風采及官遊所至總政深洽不愧其言由是中外交頌都城人時驚傳頌詞奔擁出闕曰真直院至矣果至則又填塞聚觀不置史彌遠以是忌之輒損不用而聲聞愈彰及歸朝將大用則既衰矣然自韓侂胄立偽學之名以錮善類凡近世大儒之書皆顯禁絕之德秀晚出獨慨然以斯文自任講習而服行之黨禁既開正學遂明于後世德秀之力為多

六月召崔與之參知政事不至

與之自成都乞歸廣州每有除命皆力辭不起及拜

與之為人止罔自保其身而於

國事休戚漠然不顧其人實無足取是時內多盜政外有強鄰朝廷既側席相招何忍堅辭不赴及詠以人材政事則又語涉模稜並未能指陳爾時得失於事何裨即史所稱帝之嘉納亦究無實際理宗專務虛名而臣下亦以高尚博聲譽時事尚可

廣東安撫會摧鋒軍士作亂與之肩輿登城叛兵望之俯伏聽命而散因即家治事帝注想彌切召參大政與之力辭帝乃遣使趣之且訪以政事之當行罷者人材之當用舍者與之上疏曰天生人才自足以供一代之用惟辨其君子小人而已忠實而有才者上也才不高而忠實存者次也用入之道無逾于此帝嘉納之召命益力與之控辭至十三疏不許

久之召與

之為右丞相兼樞密使復辭不至

為子

蒙古主使其子庫騰

舊作濶端今
改後仿此

等分道南侵

蒙古主命子庫騰將塔海等侵蜀特穆德克及張

柔等侵漢昆布哈及察罕

初名益德塘古特烏密氏
夏臣綽依辰類之子按瑯

古特烏密舊作唐兀烏密綽依
辰類舊作曲也怯律今並改

等侵江淮

秋七月蒙古將昆布哈攻唐州金子才等棄師走趙范

帥兵敗蒙古于上閘

在南陽府唐縣南
為渚水溉田處

而還

冬十月金鞏昌總帥汪世顯降蒙古

金亡郡縣皆降獨世顯堅守不下一日謂其衆曰宗

世顯為金總帥
分守封疆自當
力戰以圖存否

則捐軀而殉國
此事君之義無
所逃於天地者
乃酒幣迎降覲
顏事敵而復假
屈已紓禍之言
以愚衆聽其對
庫騰語又自謝
前此之不賣國
市恩可謂喪廉
解恥而自欺以
欺人者矣

祀已失吾何愛一死千萬人之命懸於吾手平居享
高爵厚祿死其分也餘者何罪與其自經于溝瀆姑
徇一時之節孰若屈已紓斯人之禍會蒙古庫騰入
蜀次于鞏昌城下世顯率耆老持牛羊酒幣迎謁庫
騰謂之曰吾征討有年所至皆下汝獨固守何也世
顯曰有君在上賣國市恩者諒所不取庫騰大悅戒
其下秋毫無犯俾世顯仍舊職即日令帥所部從征
世顯遂截嘉陵進趨太安庫騰資其糧械

十二月以魏了翁同簽書樞密院事督視江淮京湖軍馬

了翁在朝凡六月前後二十餘疏皆當世急務帝將引以共政而忌者相與合謀排擯之且言了翁知兵體乃命出視師賜便宜詔書如張浚故事陞辭御書唐

嚴武詩及鶴山書院四大字賜之了翁開幕府于江

州以吳潛

字毅夫宣州寧國人

為參謀官趙善瀚馬光祖

字華父婺

州金華人為參議官

蒙古庫騰入沔州殺知州事高稼

字南叔邛州蒲江人

進圍青野

原利州統制曹友聞

字允叔栗亭人彬十二世孫

將兵救却之

稼在沔葺理創殘招集流散民皆襁負歸之又與蒙

古力戰奇功甚多至是庫騰自鳳州入西川

當作西縣隋置

元省故城在今漢中府沔縣

東路之師多敗遂擣西池谷

在沔縣東北

距沔九十里吏民議退保大安稼言于制置使趙彥

呐曰今日之事有進無退若能進據險地以身捍蜀

敵有後顧必不深入若倉皇召兵退守內地敵長驅

而前蜀事去矣彥呐曰吾志也已而竟行留稼守沔

蒙古自白水關

注見前

入六股株

在漢中府畧陽縣東北與紀要此即白

馬關也亦曰九股樹舊置巡司于此

距沔六十里沔無城依山為險稼

升高鼓譟盛旗鼓為疑兵已而蒙古大至沔州遂破

衆擁高稼出戶高稼叱之不能止敵圍殺之彥呐

聞稼死沔州破乃進屯青野原蒙古圍之曹友聞曰

青野為蜀咽喉不可緩也即往救之半夜截戰遂解

其圍既而蒙古先鋒汪世顯擣大安友聞又救之指

麾甫畢蒙古大軍數萬突至友聞迎戰又敗之敵乃退友聞遂引兵扼僊入關

丙申三年春二月蒙古初行交鈔

從耶律楚材之請也以萬錠為額

召魏了翁還簽書樞密院事了翁固辭不拜尋罷

廷臣多忌了翁者故謀假出督以外之甫二旬復以建督為非召之還而帝不悟于是了翁固辭求去不

允既而詔以資政殿學士知潭州

時殿中侍御史李韶訟曰了翁忠言

謹論載在國史比者樞廷之詔未幾改鎮改鎮未久有旨與伺不知國家人材有如了翁者幾人願亟召還處以台輔不報

李詔字元善吳縣人

三月襄陽將王旻等作亂走降蒙古

趙范在襄陽以北軍將王旻李伯淵樊文彬黃國弼等為腹心朝夕酣狎了無上下之序民訟邊防一切廢弛既而南北軍將交爭范失于撫馭于是旻伯淵焚襄陽城郭倉庫相繼降于蒙古襄陽自岳飛收復以來生聚繁庶城高池深甲于邊陲至是城中官民

尚四萬七千有奇財粟在庫者無慮三十萬軍器二十四庫金銀鹽鈔不與馬亂作南軍將李虎等乘火大掠所積一空詔削趙范三官仍舊任未幾以臺諫言罷之

夏四月下詔罪己

時師屢為蒙古所敗襄漢淮蜀日事兵爭帝悔前事

命學士吳泳

字叔永涇州人

草詔罪己泳以監察御史王萬

字處一

婺州人忠伉有大志精于邊事以詔意訪之萬曰兵

是時蒙古方盛
宋室益衰且內
乏謀臣外解良
將雖日下罪己
之詔何濟於事

況失已在前悔亦奚及又豈過告百姓之所可挽回適以驚愚或衆耳王萬既精於邊防因詔意而條具事宜豈不勝於虛文遠甚乃復隱躍其詞止謂言之不可太甚又謂宜振厲以興感人心何自相刺謬耶

固失矣言之甚恐亦不可今邊民生意如髮宜以振厲奮發興感人心因為條具沿邊事宜泳從其言草詔上進

其畧有曰數年之間多難已甚局營金之寢滅而蒙古之與鄰建合謀成破蔡之功恐假道有及虞之勢心之憂矣臍可噬乎又曰兵民之死戰鬪戶口之困流離室廬靡存路齒相望是皆朕明不能燭德有未孚上無以格天心下無以定民志今方施令發政以為綏輯之圖補卒蒐乘以嚴守禦之備想瘡痍之溢目如疾病之在身

蒙古初括中原民戶定賦稅

初蒙古唯事進取降戶皆以與將士一社之民各有所

主不相統攝至是詔括戶口以大臣呼圖克

舊作忽都虎今改

領之民始隸州縣

時羣臣共欲以丁為戶即律楚材以為不可衆皆曰我朝及西域諸

國莫不以丁為戶豈可舍大朝之法而從亡國之政

邪楚材曰自古有中原者未嘗以丁為戶若果行之

可輸一年之賦隨即逃散矣蒙古主從材之議及呼

圖克以所括戶一百四萬上蒙古主議割裂諸州郡

分賜諸王貴族為湯沐邑楚材奏曰尾大不掉易以

生隙不如多與金帛足以為恩蒙古主曰業已許之

矣楚材曰若置官吏必自朝命除恒賦外不令擅自

徵斂差可久也蒙古主從之楚材又定賦稅每二戶

出絲一斤以供官用五戶出絲一斤以與受賜貴戚

功臣之家上田每畝稅三升半中田三升下田二升

半水田畝五升商稅三十分之一鹽每銀一兩四十

斤已上定為永額朝臣皆謂太輕楚材曰將來必有

以利進者則
以為重矣

五月以趙葵為淮東制置使

葵兼知揚州墾田治兵邊備以飭

秋八月蒙古破棗陽軍德安府

宋置今府屬湖北

初蒙古破許州獲金軍資庫使姚樞

字公茂柳城人後徙洛陽楊

惟中

字彥誠弘州人

見之以兄事樞時北庭無漢人士大夫

太祖見樞至甚喜特加重焉及庫騰南侵俾樞從惟

中即軍中求儒釋道醫卜之人樞招致稍衆至是破

趙復始知為家
守義尚無愧於
名儒姚樞力勸
止之且謂徒死
無益不過因已
之不忠于金欲
污復與之共就
縋渥耳復苟明
于大義自當百
折不回乃聞可
保無他之言遂
從而毀節是其
立志本亦不堅
遂爾偷生俾免

棗陽特穆德克欲坑士人樞力與辯得脫死者數十

人繼拔德安得趙復

字仁甫
德安人

復以儒學見重於世其

徒稱為江漢先生既被獲不欲北行力求死所樞止

與共宿譬說百端曰徒死無益隨吾而北可保無他

也至燕名益大著學徒百人由是北方始知學經而

樞亦初得覩程朱性理之書

九月有事于明堂大雨震電鄭清之喬行簡免

時清之
行簡為

左右
丞相

與樞同乖無二
之美雖傳經學
于北方經學同
不以名節為重
哉

曹友聞與蒙古戰于陽平關敗績死之蒙古庫騰遂入
成都

曹友聞帥師扼僊人關蒙古攻武休入興元欲衝大
安軍制置使趙彥呐檄友聞控制大安以保蜀口友
聞以為不可彥呐不從友聞乃遣弟萬及友諒引兵

上雞冠隘

在漢中府沔縣西南
龍門山之隘口也

多張旗幟示敵堅守

友聞選精銳萬人夜渡江

即漢江自寧羌
州流逕沔縣

密往流溪

漢江東
小溪也

設伏約日敵至鳴鼓舉火內外夾擊已而蒙

古兵果至萬出迎戰令諸軍舉烽友聞親帥精兵疾

馳至隘下入龍虎頭

即龍尾坡在沔縣龍門山西南

萬聞之出隘口

與友聞會內外兩軍皆殊死戰會大風雨兩軍素以
綿裘代鐵甲經雨濡濕不利步鬪黎明蒙古增鐵騎
四面圍繞友聞歎曰此殆天乎吾有死而已于是殺
所乘馬血戰愈厲與萬俱死軍盡歿蒙古兵遂長驅
入蜀一月之間成都利州潼川三路所屬府州軍監
關隘縣砦俱破沒庫騰次于成都四屬所存惟夔州

一路及潼川府路所屬瀘合州順慶府

注俱見前

而已

未幾

復成
都

冬十月蒙古破大州

唐置明為縣今縣屬階州

知州事劉銳等死之

庫騰兵離成都入文州知州劉銳通判趙汝鼎乘城

固守晝夜搏戰踰月援兵不至銳度不免集其家人

盡飲以藥皆死乃聚其屍及公私金帛告命焚之家

素有禮法幼子纔六歲飲藥時猶下拜受之左右感

慟城破銳及其二子自刎死汝鼎被執齎殺之軍民

同死者數萬人

封陳日昃為安南王

先是日昃遣使入貢故有是命

十一月蒙古兵入淮西詔史嵩之趙葵陳韓

字子華福州侯官人

分道拒之

昆布哈入淮西斬舒光州守臣皆遁昆布哈于是合

三州人馬糧械趨黃州游騎自信陽趨合肥詔淮西

史嵩之援光淮東趙葵援合肥松江陳韓過和州為

淮西聲援

孟珙引兵敗蒙古特穆德克于江陵

先是特穆德克攻江陵統制李復明死之已而又破
隨郢州及荆門軍特穆德克復攻江陵史嵩之遣珙

救之珙遣張順

民兵部將

先渡而自以全師繼之變易旌

旗服色循環往來夜則列炬照江數十里相接珙又
遣趙武等與戰珙親往節度遂破蒙古二十四砦還
民二萬而歸

蒙古將察罕攻真州知州事邱岳敗之

蒙古攻真州岳部分嚴明守具周悉蒙古兵薄城輒

敗岳乘勝出戰于胥浦橋

在揚州府儀徵縣西相傳為伍子胥入吳渡江處故

名以强弩射殺其致師者一人敵兵少却岳曰敵兵
十倍于我不可以力勝也乃為三伏設礮石待之于
西城敵至伏起礮發殺其驍將敵衆大擾岳選勇士
襲敵營焚其廬帳越二日皆引去

丁酉嘉熙元年春二月詔經筵進講朱熹通鑑綱目

蒙古始給官府符印定驛令

初諸路官府自為符印僭越無度耶律楚材請中書省依式鑄給名器始重時諸王貴戚皆得自起驛馬道路騷擾所至須索百端楚材復請給牌劄定分例其弊始革

三月資政殿學士魏了翁卒

謚文靖

贈少師

蒙古擊奇卜察克

西域國方輿紀要國在葱嶺極西舊作欽察今改

諸部破之

考元史蘇布特傳太祖癸未蘇布特請討奇卜察克許之遂收其境而太祖本紀不載其事又太宗本紀九年丁酉莽賁扣征奇卜察克部破之擒其酋巴齊瑪克而憲宗本紀書其事而不詳年月蓋奇卜察克在西域最遠叛服不常太祖雖收其境太宗復加征討續綱目于嘉定十八年書蘇布特滅奇卜察克于是年復書蒙古擊奇卜察克前既書滅此復書擊體例未協今節採元史紀傳並輯於此按巴齊瑪克舊作八赤蠻今改

初蒙古太祖時蘇布特擊奇卜察克

續綱目奇卜察克去中國三萬

餘里夏夜極短日晷沒輒出土產良馬富者以萬計所載與唐書郭刺窪傳畧同但郭喇窪地在瀚海北與日出處相近故晝長夜短此奇卜察克在蔥嶺極西地當近日入處晝夜何得與日出處相同其言恐未足據

由庫勒騰

舊作寬定續綱目作寬田

濟蘇哈雅

舊作吉思海今並改

至太和嶺鑿石開道與其酋伊勒吉

舊作玉里吉今改

等過

縱兵奮擊衆潰悉降遂收其境與奈曼諸部千戶通

立一軍及蒙古主即位既滅金命諸王巴圖

舊作拔都今改

莽賚扣等分討西域諸部至是莽賚扣擊竒卜察克

至濟蘇哈雅其酋巴齊瑪克逃匿海島會大風刮海

水其淺可涉遂進屠其衆生擒巴齊瑪克復進兵俄

羅斯

舊作幹羅思今改

部至額里齊

舊作也烈贊今改

城破之

方巴齊瑪

克被擒莽賚扣命之跪不肯既而謂監者曰我入於海而終見擒天也今水迴期且至軍宜早還莽賚扣

聞之即班師而水已
至後軍有浮渡者

夏五月臨安大火

臨安大火自己至酉燒民廬五十三萬士民上書咸

訴濟王之寃進士潘枋

字庭堅福州閩人

對策亦以為言并

及史彌遠侍御史蔣峴彌遠之黨也上疏謂火災天

數何預故王遂劾方大琮王邁

字貫之興化軍仙遊人

劉克莊

字潛夫莆田人

等鼓扇異論并斥枋姓同逆賊語涉不順請

皆論以漢法自是羣臣無敢復言濟王之寃矣

秋八月蒙古校儒士于諸路

耶律楚材奏制器者必用良工守成者必用儒臣儒臣之事業非積數十年殆未易成也蒙古主曰果爾

可官其人楚材請校試之乃命稅課使劉中楊與字

然乾州人隨郡考試以經義詞賦論分為三科儒人被俘

為奴者亦令就試其主匿弗遣者死得士凡四千三

十人免為奴者四之二楚材又請一衡量立鈔法定均輸庶政畧備民稍蘇息

冬十月蒙古攻安豐宋以壽春郡置安豐軍元為路明改壽州今川屬鳳陽府知軍

國語及蒙古語
同以巴圖魯為
勇敢將士嘉號
之之理漢人不
解語義錯謬譯
出者不勝屈指
數至以小箭射
目之語尤為怪

事杜杲力戰禦之蒙古引還

蒙古昆布哈攻黃州孟珙帥師救却之遂移攻安豐

杜杲繕完守禦蒙古以火礮焚樓櫓杲隨陷隨補完

蒙古令巴圖魯斫牌杈木巴圖魯者皆死因為之攻

城以自贖杲募善射者用小箭射其目巴圖魯多傷

而退蒙古填壕為二十七壩杲分兵扼壩蒙古乘風

縱火俄而風雪驟作杲募壯士奪壩路士皆奮躍死

戰會池州都統制呂文德

安豐人

突圍入城合力捍禦

說可笑蓋以目
小用小箭耳此
所謂捉影之談
豈知小箭輕刺
不能命中耶

蒙古引去淮右以安

文德魁梧勇悍嘗駕薪城中趙
葵見其遺屨長尺有咫異而訪

之值文德出獵暮負虎鹿各一而
歸召置帳下遂累功勞超擢軍職

十二月戊寅朔日食

日與金木水火四星俱躔斗食將既

戊戌二年春二月以史嵩之參知政事督視京湖江西軍

馬置司鄂州

尋兼督視淮南西路光蘄黃夔施州

夏五月以李鳴復

字成叔
廬州人

知樞密院事余天錫簽書院

事李宗勉

字彊父
富陽人

參知政事

喬行簡請以兵事委鳴復財用委宗勉楮幣委天錫
當會議者臣則參酌行之帝從其請

秋九月蒙古圍廬州杜杲敗走之

蒙古察罕帥兵號八十萬圍廬州期破廬後造舟巢
湖以窺江左于濠外築土城六十里穿兩濠攻具皆
數倍于攻安豐時杜杲極力守禦蒙古築壩高于城
樓杲以油灌草即壩下焚之皆為煨燼又于串樓內

立鴈翅七層俄破中壩上衆驚果乘勝出戰蒙古敗走果追躡數十里又練舟師扼淮河遣其子庶字康侯監呂文德聶斌伏精銳于要害蒙古不能進遂引師北歸詔加果淮西制置使

以孟珙為京湖制置使冬十月珙復郢州荊門軍

珙受詔收復京襄珙謂必得郢然後可以通餽餉得荊門然後可以出奇兵及至岳州檄江陵節制司擣襄郢召諸將指授方畧發兵深入遂復郢州荊門軍

蒙古建太極書院于燕京

時濂溪周子之學未至于河朔楊惟中用師于蜀湖
京漢得名士數十人始知其道之粹乃收集伊洛諸
書載送燕京師還與樞謀建太極書院及周子祠以
二程張楊游朱六子配食請趙復為師選俊秀有識
度者為道學生由是河朔始知道學

己亥三年春正月以喬行簡為少傅平章軍國重事李宗
勉為左丞相兼樞密使史嵩之為右丞相兼樞密使督

視江淮四川京湖軍馬

嵩之既相一時正人如杜範

字成之黃巖人

游侶

字景仁南元人

劉

應起李韶趙汝騰

字茂實宗室子居福州

等皆以不合逐去時

三相當國論者謂喬失之泛李失之狹史失之專然
宗勉清謹守法猶號為賢

三月孟珙復襄陽

珙遣兵及蒙古三戰皆捷遂復信陽光化軍樊城襄
陽因上奏曰取襄不難而守為難非將士不勇也非

器械不精也實在乎事力之不給爾襄樊為朝廷根本今百戰而得之當加經理如護元氣非甲兵十萬不足分守與其抽兵于敵來之後孰若保此全勝上兵伐謀此不爭之爭也乃以蔡息降人置忠衛軍襄郢降人置先鋒軍

秋八月蒙古軍復破成都而去

蒙古塔海兵入蜀制置使丁黼聞之先遣妻子南

歸誓死守至是塔海自新井

唐縣元省故城在今保寧府南部縣入

詐豎宋將旗黼以為潰卒以旗榜招之既審知其非

丁黼自誓死守
力戰殉難固為
無虧臣節然聞
塔海入蜀之初
不知預籌捍禦
惟以分遣妻孥

為忌既昧公私
輕重之宜而宋
旗詐暨復漫不
加察深信旗榜
招之以致倉猝
失備蓋不過一
迂疎庸闇之人
而史氏過稱之
何歟

領兵夜出城南迎戰至石筍街

在城都府西門外杜甫詩並州城西門陌

上石筍雙

高蹲即此兵散力戰而死蒙古遂取漢印簡眉閣蓬

州遂寧重慶順慶府尋引還黼帥蜀為政寬大蜀人

思之

冬十二月觀文殿大學士致仕崔與之卒

諡清獻

與之未嘗造朝帝虛位待之致仕踰年而卒贈少師

封南海郡公

與之晚出番禺屹然有大臣風與張九齡齊名異代

孟珙遣兵禦蒙古于蜀口

孟珙謀知蒙古塔海帥衆號八十萬南侵策其必

道施黔

謂施州黔州也施州後周置明改衛今為施南府屬湖北黔州注見前

以透湖

湘乃請粟十萬石以給軍餉以三千人屯峽州千人

屯歸州命弟瑛以精兵五千駐松滋

晉縣今屬荊州府

為夔

聲援增兵守歸州隘口萬戶谷

在歸州西

及蒙古至珙密

遣將禦之又以千人屯施州蒙古既入蜀珙增置營

砦分布戰艦遣兵間道抵均州防遏且設策備禦未

幾蒙古渡萬州

後周置明改縣今縣屬夔州府

湖灘

在萬縣西水勢險急春秋泛溢

江面如湖故名施夔震動珙兄璟時至峽州帥兵迎距于歸

州大堙砦

在州西北

得捷于巴東

隋縣今屬宜昌府

夔州以全

以陳塤

字和中鄞人

為國子司業

塤史彌遠之甥也紹定中為太常博士上疏乞去君

側之蠱媚以正主德從天下之公論以新庶政蓋指

賈貴妃史彌遠也彌遠召謂曰何為好名塤曰好名

孟子所不取然求士于三代之上惟恐其好名求士

于三代之下惟恐其不好名耳因力請外彌遠卒乃

召還歷官吏部侍郎至是授司業諸生相慶以為得師

庚子四年春正月彗見營室

臨安大饑

饑者奪食于路市中殺人以賣盜于隱處掠賣人以微利日未晡路無行人

二月以孟珙為四川宣撫使珙遂大興屯田

珙條具上流事宜會諜知蒙古于襄樊信陽隨州招

集軍民布種積船材于鄧之順陽乃分兵撓其勢潛
兵燒所積船材又度其必因糧于蔡遣兵火其積聚
遂拜四川安撫使知夔州節制歸峽鼎澧軍馬珙至
鎮招集散民為寧武軍以降人回鶻愛里巴圖爾舊作

愛里巴圖
魯今改

為飛鶻軍墜蜀政之弊為條班諸郡縣且曰不擇

險要立砦柵則難責兵以衛民不集流離安耕種則難責民
以養兵乃立賞罰以課殿最俾諸州奉行之尋兼夔州路制
置屯田調夫築堰募農給種又創南陽竹林兩書院以處裏

漢四川流寓之士以李庭芝

字祥甫隨州應山人

權施州建始縣晉縣今屬

四川夔州府

庭芝訓農治兵選壯士雜官軍教之期年民皆知戰

守善馳逐無事則耕敵至則出戰珙下其法於所部行之

夏四月召史嵩之還以杜杲為沿江制置使知建康府
蒙古復使王檄來

檄前後凡五至以和議未決隱憂致卒遣使歸其柩
于蒙古

秋九月喬行簡罷

和議未成憂在
宋而不在蒙古
檄何汲汲于盟
而隱憂致卒乎
蒙古前此盟宋
固金其謀原以

亡金寒宋故外
加之兵內徵其
幣使宋日益貧
制即其遺槧奉
使往來意不主
和并不主加幣
特藉以玩宋耳
此意槧豈不知
槧固不愛主命
之辱難以言旋
又何至貳心外
向轉為宋人愛
乎此蓋宋人說
託其辭以飾觀
聽揆諸事理所
必無者

行簡告老乃以少師為醴泉觀使尋卒

是冬李宗勉亦卒

辛丑

淳祐元年春正月詔加周敦頤張載程顥程頤封爵

與朱熹並從祀孔子廟庭黜王安石從祀

詔曰孔子之道自孟軻後不得其傳至我朝周敦頤

張載程顥程頤真見實踐深探聖域千載絕學始有指

歸中興以來又得朱熹精思明辨表裏渾融使大學

論孟中庸之書本末洞徹孔子之道益以大明于世

朕每觀五臣論著啓沃良多今視學有日其令學官

列諸從祀以示崇獎之意尋以王安石謂天命不足畏祖宗不足法人言不足恤為萬世罪人豈宜從祀

孔子其黜之

越二日加封敦頤汝南伯載
鄱伯顥河南伯頤伊陽伯

秋九月高麗王暉以族子為質于蒙古

先是蒙古代高麗高麗屢敗乃復入貢請平蒙古令王暉親朝當罷兵至是暉以敦子為質于蒙古

八月求遺書

冬十一月蒙古主烏格台殂第六后尼瑪察氏

即昭慈
皇后名

圖里格按尼瑪察舊作乃馬真稱制
圖里格舊作脫列哥今並改

楚材素為元太
宗信任事無不
可進言果知因
繫非辜平時即
當申請棄病議
赦於禮非宜至
謂赦發而脈復
生尤近釋氏條

蒙古主烏格台性嗜酒晚年尤甚耶律楚材數諫不
聽乃持酒槽鐵口以獻曰此鐵為酒所蝕尚致如此
況人之五臟邪蒙古主乃少減是年二月疾篤脈絕
六皇后不知所為召楚材問之楚材對曰今任使非
人費官鬻獄囚繫非辜者多宜赦天下后亟欲行之
楚材曰非君命不可頃之蒙古主少蘇后以為言乃
首肯之赦發而脈復生十一月疾愈楚材推太乙數

福之說又謂楚材推太乙數以阻田獵竟似楚材專以術數見長欲推尊而適成貶損元史証說不經大率如此

謂不宜田獵左右皆曰不騎射何以為樂出田五日

還至烏特古呼蘭

方輿紀要地在和林東北舊作鉅鐵鐸湖蘭

諤多拉哈

瑪爾

回回國人舊作與都刺合蠻今改

進酒懽飲極夜乃罷翌日殂

立凡十有三年廟號太宗初蒙古主有旨以孫錫哩瑪勒

蒙古主第子庫春

之子按錫哩瑪勒舊作失烈門庫春舊作曲出今並改

為嗣至是后召楚材問之

楚材曰此非外姓臣所敢知自有先帝遺詔幸遵行后不從遂稱制于和林

成都將田世顯叛以城降蒙古制置使陳隆之死之

塔海部汪世顯等復入蜀圍成都隆之守彌旬誓
與城存亡部將田世顯潛送款于蒙古乘夜開門北
兵突入隆之舉家數百口皆死檻送隆之至漢州命
諭守臣王夔降隆之大呼曰大丈夫死爾勿降也遂
見殺漢州兵三千出戰城破盡為蒙古所屠

十二月蒙古使伊拉瑪斯

彝瑪氏舊作月里麻思今改

等來至淮上

守將囚之

蒙古使伊拉瑪斯來議和從行者七十餘人伊拉瑪

斯曰吾與汝等奉命南下宋人多詐倘遇害當死焉
母辱君命已而馳抵淮上守將以兵會之曰爾命在
我生死頃刻間耳若能降官爵可立致不然必不汝
貸伊拉瑪斯曰吾持節南來以通國好反誘我以不
義有死而已守將知其不可逼乃囚之長沙飛虎
寨

壬寅二年

是年以後蒙古
尼瑪察后稱制

春正月蒙古復攻蜀孟珙分兵

禦之

蒙古伊克諾延

舊作也可那顏今改

耶律珠格自京兆取道商

房以趨三川遂攻瀘州孟珙遣一軍屯江陵及郢州

一軍屯沙市

即今沙頭市在荊州府江陵縣東南

一軍自江陵出襄與

諸軍會又遣一軍屯涪州

注見前

且下令應出戍主兵

官不許失棄寸土權開州

宋置明改縣今縣屬夔州府

梁棟以乏

糧還司珙曰是棄城也斬以徇由是諸將稟命惟謹

蒙古燕京行省郎中姚樞棄官隱于蘇門

在衛輝府輝縣西一名百

門山上有百門泉故名

先是蒙古伊勒噶克齊

舊作牙刺
瓦赤今改

行省事于燕京主

管漢民公事以姚樞為郎中伊勒噶克齊惟事貨賂以

樞為幕長分及之樞一切拒絕因辭職去携家往輝

州

金置明改縣今
縣屬衛輝府

之蘇門作家廟別為室奉孔子及

宋儒周程張邵司馬六君子像刊小學四書并諸經
傳註以惠學者讀書鳴琴若將終身

夏六月徐榮叟

字茂翁應
龍之子

罷

榮叟于是年二
月參知政事

中書舍人李韶言道揆之地愛善類不勝于愛爵祿

畏公議不勝于畏權勢與史嵩之議不合出知泉州
榮叟言韶議論不阿請留之帝不聽亦罷

秋七月蒙古兵渡淮入楊滁和州

已而蒙古復破通州屠其民

九月庚辰朔日食

冬十一月日南至雷電交作

詔避殿減膳求直言

癸卯三年春二月以余玠字義夫為四川制置使

初玠家貧落魄無行亡命走揚州上謁趙葵葵壯之
置幕府俾帥舟師泝淮入河抵汴所向有功累推淮
東制置副使入對言方今指即戎之士為羸人斥為

僧伍願陛下視文武之士為一勿令偏有所重偏則
必至于激文武交激非國之福帝曰卿人物議論皆
不尋常可獨當一面乃授四川宣諭使至是加制置

使知重慶府蜀中財賦甲天下

入戶部三司者五百
餘萬緡入四總領所

者二千五百餘萬緡金
銀綾錦之類不預焉

自寶慶三年失關外端平

三年蜀地殘破所存州郡無幾國用益窮十六年間凡

授宣撫使者三人制置使者九人俱無成績于是兩

川無復紀律遺民咸不聊生監司戎帥各專號令擅

辟守宰蕩無法度蜀日益壞玠至大更弊政遴選守

宰築招賢館于府左士之至者玠不厭接隨其材而

任之遂于利閬城大獲山

在保寧府蒼溪縣東南城在山上因石巖為之天成

奇險宋末移

以護蜀口蓬州

注見前

城營山

當作雲山一曰披衣

閬州治北

山在州東南與營山縣接界

渠州

注亦見前

城大良平

在順

其山絕險宋末徙州治北

慶府廣安州東北舊曰濃洄鎮嘉定宋府明為州今宋末廣安軍治此亦曰大良城嘉定仍為府治樂山

城舊治瀘州

注見前

城神臂山

在州東亦曰神臂山宋末徙州治此其他

因山為壘棊布星列如臂使指氣勢聯絡屯兵聚糧

為必守計民始有安土之心

播州冉璉及弟璞俱有文武材隱居蠻中前後

閩帥辟召皆堅辭不至聞玠賢自詣府上謁玠待以上客璉璞居數月無所言玠疑之乃更闕別館以處之且日使人窺其所為兄弟終日不言惟封路以壘畫地為山川城池之形起則漫去如是又旬日請見玠屏人曰某兄弟辱明公禮遇思有以少裨益為今日西蜀之計其在徙合州城乎玠不覺躍起執其手曰此玠志也但未得其所耳璉曰蜀口形勝之地莫若釣魚山請徙諸此若任得其人積粟以守之賢于

十萬師遠矣玠大喜曰玠固疑先生非淺士先生之
謀玠不敢掠以歸己遂密以其謀聞于朝請不次官
之詔玠權發遣合州璞權通州徙城之事悉以任之
釣魚城成蜀始可守合州唐置今屬重慶府釣魚
山在州東三面
臨江崖壁峭險

三月丁丑朔日食

蒙古中書令耶律楚材以憂卒

尼瑪察氏稱制溫都爾哈瑪爾專政權傾中外后至
以御寶空紙使自書填楚材曰天下者先帝之天下
朝廷自有憲章今欲紊之臣不敢奉詔又有旨凡係

興利不如除害
所言良是至生
事減事之說則
模稜選輟者流
往往援以藉口
豈知彼自謂減
事者適為滋事
貽患之端乎夫
事之增省舉罷
惟當權于理勢
之當否若預設
一不如減事之
見于心其弊必
至于因循便安
冒一時寬簡之
名久之將廢弛

鄂多拉哈瑪爾所建白令史不為書者斷其手楚材
曰國之典故先帝悉委老臣令史何預焉事若合理
自當奉行如不可行死且不避況截手乎后不悅楚
材憤悒成疾而卒或譖之曰楚材為相二十年天下
貢賦半入其家后命近臣覆視之惟琴玩十餘及古
今書畫金石遺文數千卷而已

楚材天資英邁復出
人表正色立朝不為

勢屈每陳國家利病生民休戚辭色懇切蒙古太宗
嘗曰汝又欲為百姓哭邪楚材每言興一利不若除

一害生一事不若減一事人以為名言
至順初贈太師追封廣寧王謚文正

而不可復振故
善制事者不憚
事煩而事自減
不善處事者不
欲事多而事轉
生張弛之際治
理攸闕未易軒
輊于其間也

甲辰 四年春正月以李鳴復參知政事杜範同知樞密

院事範固辭遂與鳴復俱罷

初範為殿中侍御史嘗論鄭清之李鳴復之過不行
即棄官去至是不屑與鳴復共政上疏辭位而去帝
遣使召還太學諸生亦上書留範而斥鳴復并斥史
嵩之嵩之諷諫議大夫劉晉之併論罷二人

夏六月以呂文德為淮西招撫使

先是以文德為待衛副都指揮使總兩淮軍馬既而

蒙古圍壽春文德解其圍遂有是命未幾文德又敗

蒙古于五河

宋縣今屬泗州縣東瀕淮西北有澮河
沱河東南有滌河東北有潼河並流合

淮所謂

復其城

五河也

秋九月詔起復史嵩之將作監徐元杰

字仁伯信
州上饒人

太學

生黃愷伯等上書論之不報

先是黃濤劉應起徐霖

字景說衢
州西安人

等俱上書論嵩之

深姦擅權帝不聽而論者益衆及其父彌忠卒詔嵩

之起復徐元杰上疏曰陛下為四海綱常之主大臣

身任道揆扶綱常自聞嵩之有起復之命凡有父母之心者莫不失聲涕零是果何為而然人心天理誰實無之興言及此非可使聞于鄰國也臣懇懇納忠何敢詆訐特為陛下愛惜民彝而已疏出嵩之憾之帝亦不聽于是太學生黃愷伯等百四十四人武學生翁日善等六十七人皆上書切諫亦不報

冬十月以劉漢弼

字正甫
上虞人

為左司諫

史嵩之久擅國柄帝亦患苦之乃夜降御筆黜四不

才臺諫

諫議大夫劉晉之侍御史王瓚
監察御史龔基先胡清獻皆罷

以漢弼為左

司諫漢弼首贊帝曰拔去陰邪庶可轉危而安否則
是非不兩立邪正不並進陛下雖欲收召善類不可
得矣帝嘉納之

十一月詔史嵩之終喪

徐元杰復上疏論嵩之起復士論紛然乞許其舉執
政自代帝曰學校雖是正論但言之太甚元杰對曰
正論乃國家元氣今正論猶在學校要當保養一綫

之脈因乞引去左司諫劉漢弼亦上言願聽嵩之終喪亟選賢臣早定相位嵩之亦自知不為衆論所容上疏乞終制帝乃許之

金淵

字淵叔臨安府人

等有罪免

上欲更新庶政乃召王伯大

字幼學福州人

李性傳陳韓等

赴闕于是劉漢弼及右正言鄭家監察御史江萬里

字子遠都昌人

相繼言簽書樞密院事金淵諫議大夫劉晉

之兵部尚書鄭起潛吏部侍郎濮斗南陳一薦起居

舍人韓祥國子祭酒項容孫

字仲履江陵人

起居郎葉黃圭

管侍衛步軍司王德明及知州林光謙等皆附麗史

嵩之為之腹心盤踞要路公論之所切齒詔淵罷政

予祠餘各貶官有差

十二月以范鍾

字仲和婺州蘭谿人

杜範為左右丞相並兼樞密

使

範入相首上五事曰正治本

謂政事當常出于中書母使旁蹊得竊威福

日肅宮闈

謂當嚴內外之限使官府一體

曰擇人才

謂當隨其所長用之而久于職

毋徒守遷轉之常格

曰惜名器

謂如文臣貼職武臣閣衛不當為徇私市恩之地

曰節

財用

謂當自入主一身始自宮掖始自貴近始考封樞國用出入之數而補窒其罅漏求鹽筴楮幣

變更之目而

斟酌其利害

仍乞早定國本以安人心

以孟珙知江陵府

珙至江陵登城嘆曰江陵所恃三海

在荊州府江陵縣東北孫吳時

引諸湖及沮漳水匯江陵不知沮洳有變為桑田者

敵一鳴鞭即至城外蓋自城以東古嶺先鋒直至三

汭

海有上中下古嶺等其名也

無限隔乃修復內隘十有一別作

十隘于外有距城數十里者沮漳之水舊自城西入江因障而東之俾遠城北入于漢而三海遂通為一隨其高下為匱蓄泄三百里間渺然巨浸土木之工百七十萬民不知役因繪圖上之

己巳五年夏四月右丞相兼樞密使杜範卒

六月工部侍郎徐元杰暴卒

史嵩之既去元老舊德次第收召杜範既入相復延元杰議政多所裨益六月朔元杰當侍立先一日謁

朝臣暴死不明而外多浮議自宜力究虛實以定是非若臨安府鞠獄不盡其情則是朋附為姦尤為鉅害豈可模稜了事理

范鍾歸是夕熱大作夜四鼓指爪忽裂以死三學諸生相繼伏闕上言昔小人傾君子者不過使之死于蠻烟瘴雨之鄉今蠻烟瘴雨不在嶺海而在朝廷詔付臨安府鞠治常所給使之入獄迄無成劉漢弼亦每以姦邪未盡屏汰為慮未幾以腫疾暴死太學生蔡德潤等百七十有三人復叩闕上書訟寃詔給元杰漢弼官田五百畝緡錢五千恤其家時杜範入相八十日卒元杰漢弼相繼暴死時謂諸公皆中毒堂

宗既不能辨析
獄情身傷徒以
訟寃之故給賜
以慰其家亦昧
于政體之甚矣

食無敢下筋者

初嵩之從子璟卿嘗上書諫嵩之曰

征輸州縣匱于應辦誠恐徇起蕭牆危如朝露為今
之計莫若盡去在幕之羣小悉召在野之君子相與
改絃易轍戮力王事以收桑榆之功言甚切
至居無何璟卿暴卒相傳亦嵩之致毒云

秋七月癸巳朔日食

丙午六年

蒙古定宗庫裕克元年庫裕克舊作貴由今改後仿此

春正月辛卯朔日

食

秋七月蒙古主庫裕克立

是為元定宗

庫裕克太宗長子母六皇后臨朝四年至是會諸王

百官議立庫裕克乃即位于昂吉蘇默托里之地方輿

紀要地在和林境舊作汪吉宿滅禿里今改

朝政猶出于后

九月寧武節度使漢東公孟珙卒

諡忠襄

以賈似道為京

湖制置使

珙卒累贈太師封吉國公

珙忠君體國之念可貫金石在軍中參佐部曲論事

言人人異珙徐以片言折衆衆志皆慚謁士遊客老校退卒壹以恩意撫接名位雖重惟建旗鼓臨將吏面色凜然無敢涕唾者退則掃地焚香隱几危坐若蕭然事外遠貨色絕滋味尤邃于易學

冬十二月詔史嵩之致仕

嵩之服除有嚮用之意殿中侍御史章瑛正言李昂

英

字浚明
番禺人

監察御史黃師雍

字子敬
福州人

論其無父無君

乞寢官祠削官逮竄詔皆落職予祠翰林學士李韶
與從官抗疏言陛下不能正姦臣之罪其過不專在
上蓋大臣百執事不能輔天子以討有罪乞斷以春秋
之義亟賜裁處乃命嵩之以觀文殿大學士永國公
致仕詔不復用

蒙古侵京湖江淮之境

蒙古萬戶史權

字伯衡天澤子

等擁兵淮南攻虎頭關塞

在黃

州府麻城縣北與穆陵黃土白沙大城為五關接河南光山縣界

拔之進至黃州

丁未七年夏四月以鄭清之為太傅右丞相兼樞密使

中使及門清之方放浪湖山寓僧刹竟夕不歸詰旦始還入對力辭不允

以趙葵為樞密使督視江淮京湖軍馬陳韓知樞密院事湖南安撫大使

葵兼知建康府韓兼知潭州

秋八月蒙古侵高麗

高麗歲貢不入蒙古伐之自後十年之間凡四易將
拔其城十有四

戊申八年春二月蒙古主庫裕克殂后烏拉海額錫舊作
幹元

立海迷
失今改稱制

蒙古主庫裕克殂于杭錫雅爾

舊作橫相
乙兒今改之地廟號
定宗

后烏拉海額錫抱庫春子錫哩瑪勒聽政諸王大臣皆

不服

時國內大旱河水盡潤野草自焚牛馬死者十
八九人不聊生諸王及各部又遣使于諸郡徵

錫哩瑪勒即位本
太宗遺古瑪錦
后欲稱制即律
楚材曾爭之今

之聽政正也史
乃稱諸王大臣
皆不服蓋曲阿
急宗之意非公
道不可信

求貨財或于西域同鶻索取珠璣或于海
東取駕鵲騂駟絡繹晝夜不絕民力益困

巳酉 九年夏四月壬寅朔日食

秋九月嚴中外上書之禁

諫臣言譁徒吻士結黨叩閤箠鼓是非為攫利之計
詔中外士庶上書其言有益于國者必加精採倘涉
私邪朋姦罔上妄肆雌黃當嚴加究問是時臺綱不
振嬖寵干政彈文及其私黨則內降聖旨宣諭刪去
謂之節帖臺諫不敢與爭

庚戌十年春三月以賈似道為兩淮制置大使李曾伯

字長

孺童懷人
居嘉興

為京湖制置使

似道兼知揚州曾伯知江陵府

趙葵罷

言者論葵非由科目進且曰宰相須用讀書人葵因

力辭

其未有云霍光不學無術每思張詠之語以
自慚后稷所讀何書敢以趙抃之言而自解帝

不得已授醴泉觀使兼侍讀復固辭乃以觀文殿大

學士判潭州

冬余玠出兵至興元而還

玠帥蜀慷慨自許有挈故地還天子之語上嘉之數
年之間建城壁築關隘增屯堡邊境稍息寢以驕恣
而鄭清之再相因憇恩其進兵于是一意出師雖有
小捷至興元遇蒙古將汪德臣

世顯之子

鄭鼎


澤州陽城人

無

功而還



御批歷代通鑑輯覽卷九十二



總校官進士 臣程嘉謨

校對官學錄 臣常循

膳錄監生 臣馬錦